

- ۳ فاتح استانبول غازی سلطان محمد خان
حضر تلمری زمانده زو ملرك نائل
اولد یغی امتیازات
- ۸ اسپانیا حکومتلری نزدنده بولان تیعه
اسلامیه نك احوالی
انکیز بسیون محکمه لری
- ۱۰ بو محکمه لردن اسلام و خرسیتیانلرك چکدکاری
۱۶ فرنكلرك مسلمانلره اولان تکالیف ظالمانه سی
۱۸ عربلرك کشفیاتندن فرنكلرك ایتدکاری استفاده لر
۲۱ باور سلطان سلیم خان حضر تلمرینه اولان بهتانہ
جواب رد
- ۲۵ انکیز بسیون محکمه لردن یهودیلرك کوردکاری مظالم
۲۷ اسپانیا عربلری ایله فرنكلریشنده عقد اولتان
معاهده لر
- ۳۴ عربلرك حکومتی زمانده اسپانیا لیلرك کورمش
اولدقلری رفاه و آسایش
- ۴۰ فرنكلرك امریغالیلره ایتدکاری مظالم و سلطان
سلیمان خان حضر تلمریله (شارل کون) یشنده
اولان فرق عدالت

زنجیلر ك فر نكلره چیقار دقلری	۴۸
شرفی	
مکیسقاو پرونگ • موریت قیدی لری	۴۹
غازی سلطان عثمان خان اول زمانی	۵۴
دنت و هم تسمیه اولمان محکمەنك	۶۰
براعلام غیاثیسی	
پروستابلیغك سبب ظهوری	۶۳
سن پارتەلامی وقعەسی	۶۸

﴿ بيان حقیقت ﴾



مَقْلَصِیْم

«بیان حقیقت» اسمیه تسمیه ایلدیکم اشبو کتابک مندرجاتی
 اوچ فصله منقسم اولوب «فصل اول» دولت اسلامییه
 نژدنده بولنان تبعه غیر مسلمه ایله فرنک دولترینک کندی
 مذ هیلرنده بولنمیان تبعه لرینک احوالنه «فصل ثانی»
 خرسیتیانلغنه «فصل ثالث» دین اسلام حقیقه فرنکارک
 ذهاب باطلنه دأردر . فرنکار طرفندن وقوعبوله جن
 اعتراضاته محل قالماق ایچون برنجی فصل مندرجاتنک
 مأخذری فرنک تاریخلری اولمق التزام اولمشدرتواریخ
 مذکوره بین الافرنج معتبراولان تاریخلردندر - اسملری -

سزارفانتو		تاریخ عمومی
میشو		اهل صلیب تاریخچی
لونبور توری		دولت علیه تاریخچی
بو بیه		جغرافیا و تاریخ لغتی
ته اودوس پورت		فرانسه تاریخچی
لوی		تاریخ عمومی
زوش		انکارته تاریخچی

فرنگ را به معاملاً تمیزك تكثيراً بتدبیری عصر تاریخ متوسطه
مبدأ اولان عصر فاتح سلطان محمد خان حضرت تلی
اولد یغندن اول زماندن ابتدا ایتك مناسب کورلشدر
الفقیر

علی حیدر

فاتح مشار الیه حضرت تلی اسلاف غظا ملری مثلاً و فتح
ابتدکاری ممالک اهای غیر مسلمه سنی شریعت محمدیه نك
امری اوزره تبعه مسلمه الیه حقوقاً مساوی طوتوب
مذهب لرند سر بست بر اقدیغی جهنله بر طاقم ملر مجرد
بوسایه ده نائل آسایش اوله رق مذهب لرینك بقاسنی
محافظه یه مقتدر اولد یلر ایشته بوملرین بریسی
روملر اولوب مذهب لرینك بقاسنه فاتح مشار الیه
حضرت لرینك سایه عدالتده موفق اولمش اولد قلرینی
دلائل آینه اثبات ایدر •

شوبله که • فاتح مشار الیه حضرت تلی (بیرانس)
دولتک پای تختی اولان استا نبولی محاصره بیوردیغی
زمانده روملرک ائمپراطوری اولان (قسطنطین دیافوزا)
پاپا طرفندن کندیسنه معاونت اولندیغی تقدیرده روم
کلیسائی روما کلیسا سیله برلشدیروب پاپانک حکومت
روحانیه سنه تبعیت ایده جکئی قویا وعد ایلش ایدی
حتی بو وعد اوزرینه عفلای رومک «بره پاپانک حکومت

روحانیه سنه تابع اولمقدن سلطان محمد خان حضرتلرینک
تابعیتی ده ازلادر « دینه رک افکار اهای بی بویوله
سوق ایلدکری تواریح شناسانک معلومیدر .

چونکه کوردر ایدی که مشارالیه حضرتلری اسلاف
عظامی مثلاً روملرک هانکی مملکتی فتح ایلدیه کندی
ایمپرا طورلندن زیاده اهایلرینه عادلانه معامله ایدرک
مذهبلرنده سر بست بر افریدی : ابو بلورلر ایدی که
مقدما فرنکر قدس شریفی آلی ایچون اهل اسلامه
چکدکری اهل صلیب سلاحنی روملرده نجر به ایدرک
مملکتلرینی و پانختلرینی ضبط ویغما ایدوب (ایاصوفیه)
ایله سائر معبدلرینی روم قانیله بویادیلر . ومذهبلرینه
مداخله ایتدیلر . دینور ایه که روم ایمپرا طورلرینک
نه زمان باشلری طاره کلدیه پاپاره بوکونه وعدلر ایدرک
فرنک حکومتلرینک معاونتلرینی طلب ایلدیلر . امانامیلر
اجرا سنده بولمیدیلر . دینه بیلور که اشته بوسیدن
دکلمیدر که فرنکر دن ذکر اولسان بلاری چکدیلر .

پایانک معاونتی سایه سنده فاتح مشارالیهک مهاجده سندن
تخلیص کریبان ایتمش اولیدیلر . کمال ضعفلری جهتیله
فرنکرک استیلا سندن ومداخله مذهبییه سندن عجباً
نصل قورتیله بیلورلردی . اسکی زمانلرده کی قوت
وقدرتلری قالماش ایدی که بودفعه ده مقدم ایتدکری کی

انجـاز و عدده خلف ابدہ یلسونلر • پاپا انلری نصل
قاتولیک ایتکە چالشدیسه انلرده ارمنیلری روم کلیسا سینه
تابع ایلمکە اوله چالشدقلرندن فاتح مشارالیهک سایه
عدالت و مظفریتندہ ارمنیلر دخی مذهب لرینی محافظه
ایتمک قیدہ و اندیشه سندن خلاص اولدیلر • صدق
مدعای حکایه آتیه اثبات ایدر • (۱) (بیرانس)
ایمپراطور لرندن (علکسی) نام ایمپراطور اهل صلیبدن
کور دیکى معاوضه مقابل فرنگلرہ اجراسنی در عہدہ
ایلدیکى اعانه نقدیہ بہ خزینہ سنک موجودی و اہالی سنک
تکالیفی کافی اولہ مدیغندن کلیسا لر درونندہ یولوب محترم
حد ایتد کلى اشیای ذیقیمی دخی طو پلا یوب یردیکندن
تبعہ سنی فوق الامادہ متأسف ایتش ایدی • بوفدا کارا غہ
فرنگلر قناعت ایتبہ رک مقدم ایمپرا طور دن الدقلری
وعدہ بناء روملری قتلولیک ایتک ایچون وقوعبولان
اصرار لرینہ ایمپراطور موافقتہ مجبور اووب بو خصوصى
استانبول طریقى واسطہ سیلہ رسما اہالی یہ اعلان
ایتد بر دیکى کونلردہ روم ملتک آہ و فغانی کولک یوزینہ
چیقیش ایدی روملر قتلولیک اولدقلرینہ اغـلار ایکن
استانبولہ حریق ظهور ایدوب برہفتہ ممتد اولدیغندن
شہرک اکثر محلاتی الہ اموال نفیسہ لری محو و نابود اولدی
(۱) بوکا بکرز حکایہ لر روملرک و فرنگلرک تار یخلرندہ متہدد در

سبب ظهور بنی بعضیلر فرنگلره و بعضیلر تبدیل مذهب
خصوصندن دایکبر اولان روملره اسناد ایلمشلر ایسه ده هر حالده
فرنگلرک یا انندن و یا خود بوزندن کورلش بر مصیبت
اولدیغندن اولزمانده روملر اجینه حق بر حال فلا کتده ایدی
اهل صلیب استانبولی ضبط ایلدکاری زمانده روملری
مذهبلرینه ایمان ایتد بر مک ایچون ایتش اولد قلمری
مظالمی یونان و فرنگ تار یخلمری بر صورت صحیحده
نقل ایتشلردر که او قود قجه انسان آغلار

فاتح سلطان محمد خان حضرتلری استانبولی فتح
ایلد کد نصرکه روملره پیوردیلر که « مذهبکونک و مال
وجان و عرضکونک محافظ عادیم بطریقنک و قات ایتش
اصول قدیمه کز وجهله بر بطریق انتخاب ایدک »
بومساعده سنیه اوزرینه انتخاب اولنان (ژنادیوس)
نام بطریقی سرای همایونلرینه دعوت پیوروب دیدیلر که
« طرف همایونندن سنی ملنکه بطریقی نصب ایتدم
جناب حقک حفظ و اماننده اوله سک حقکده اولان
محبت ملوکانه مدن هر حال و کاردده امیدوار طافت
وحایت اول امتیازات سابقه کی ابقا ایلدم » بوالنفات
ملوکانه دنصرکه بطریقی سرای همایون حوایسندن
بطریقی خانه به قدر آلاهی ایله کتورلک اوزره
ارکان دولته فرمان پیورد قلمرندن اسکی

آلایندن مکمل برآلای ابله مقامنه کتورلدی سلطان
 مشار الیه حضرتلرینک اولزمان بطریقہ احسان
 یوزمش اولدیغی کومشلی عصا که علامت حکومت
 روحانیه در الحاله هذه بطریقخانه ده محفوظ اولوب ایام
 رسمیده دست تعظیم واحترامده کوریلوز پادشاه
 مشار الیه حضرتلری مملکتین ابله صربستان ثانیاً فتح
 ایدوب اهلایلرینک امتیازات قدیمه لیه مذهب لرینی
 وبکاکرینی ابقایورملرینه دائر نشرایتدکاری فرمانلرک
 احکام جلیله لری الحاله هذه مرعیدر بوزمانده مملکتینک
 حاکم ظالمی اولان (قازقلی ووبوادا) اهلایسنی
 قازقلره اوردیغی ایچون بولقب ابله ملقب اولوب فاتح
 مشار الیه حضرتلرینک سایه عدالتنده اهلای مظالمندن
 امین اولمشدر

پطریقار (بیزانس) ایمپراطورلری حضورینه گلدکارنده
 ایمپراطورلر اوطه قیوسندن استقبال ایدوب النده اولان
 عصای اله زق عودتندده ینه بطریقہ ویرمک و بطریق
 نصبنده بریاض دونامش آت چکلمک عادت اولوب
 بوعادت احترامیه بی سلطان مشار الیه حضرتلری مع
 زیاده اجرا یسوردقد تصکره پطریقار یکریمی درت
 کدک اعتباریه یکریمی درت نفر کدکلی خدمه لری
 وارایمش اول کدکلی دخی ابقایوروب پطریقار براتنه

درج بیورمشلردر لغوفتلك اشته اول كدكردندر
(سنه شمسیه ۱۴۵۳ الی ۱۴۸۰)

كاهلم بوعصرده اسپانیاده بی فرنك حكومتلرینك كندی
مذهبلرنده اولیان تبعه لرینك احوالنه (غرناطه) شهری که
اسپانیاده بیوز سگسان سنه دن بری حکومت ایدن عرب
دولتلك (۱۴۹۲) سنه شمسیه سنده پای تخت حکومتی
ایدی قاسمیل حکمداری اولان (فردیناند قنولك)
تاریخ مذکورده محاصره ایدوب اهاالیسنك مال و جانلرینه
و مذهبلرینه مداخله و تعرض اتمامك شرطیله ویره ابله
آلدقده حکمداری اولان ابوعبدالله (فردیناند)،
دیدیکه « شهرمرزی حکومتی کندیمرزی سزه تسلیم
اینسك مقدرات الهیه بویه ایش ابد ایدرز که
مظفریتکری سوء استعمال الیوب مغلوبلریکزه مرحمت
ایلرسکز » حکمدار مشار الیه پای تختی اسپانیولره تسلیم
ایدوب افریقاه چکیلنجه مال و جان و مذهبلرینه مداخله
اولنماق شرطیله اسپانیاده قانان ملیونلرجه اهای
مسئله فرنگلر طرفندن اولنان ایندای امرلر صورت
علیهده اجرای آیین اتمامك و آثار اسلامیه دار
میدانده برشی برانماق بساقلرندن عبارت اولدی بک بشیوز
برسنه سنده (غرناطه) طوپراغنه ایاق باصمقندن
هر بلر قطعه یا منع اولندیلر اولحوالیدن اسلامیتك

وجودی کلیاً از آنکه ایچون قرالر اتفاق ایدوب
 شویله امر ایدیلر که اون درت یاشندن یوقاری اولان
 ارککارا به اون ایکی یاشندن اشاغی اولان قرلرک
 کافه سی یا واقیر اولسون و یا خود دائره حکومتمزدن
 چکیلوب کیتسون بویله بر امر ظالمانه به اطاعته
 حسب الحال مجبور اولان ملیونلرجه مغلوبین ایچندن
 طغوز یوزیک اهل اسلام ترک وطنی اختیار ایدیلر ایدیه ده
 اسپانیادن افریقایه کجه جک هجرت قبولینی فرنگلر ایله
 مسدود بولدقلرندن قوشلرک آوجیلردن قاچدیغی کبی
 متعصب قتلک پاپاسلرینک ظلمدن طاغله اورمانلره
 فرار ایتکه باشلادیلر ایدیه ده اورالده دخی آسوده نشین
 اوله دیلر بواننده عقلای اسپانیا دیدیلر که « ایچمزد
 اک زیاده اهل صنعت اولان عربلری مملکتزدن اخراج
 ایدرسهک صنعت و تجارتیه خلل کور و جودلری بزه
 لازمدر باخصوص ترک ایدوب کتدکلری مملکتلر خالی
 عن اهالی قالور » نه چاره که بوتدیرک اجراسنه قرالرا به
 متعصب پاپاسلرک حرص و طمعی مانع اولدیغندن هم
 عربلر و همده اسپانیوللر متضرر اولدیلر عربلر جبرا
 وقهرا خرستیان ایدلد کد نصکره یله (انکیر یسیون)
 محکمه لری مظالمندن قورتیله مدیلر

(انکیر یسیون) اغنده تغیش و تحری معناسنه اولدیغندن

تمایلات وجدانیه بی تفتیش مأمور اولان محکمه به آنک
 ایچون (محکمه انکیزیسیون) نسیمه اولندی
 بو محکمه لک اعضاسی منعصب و خوزیز پاپاس کر وهندن
 انتخاب اولنوب وظیفه اصلیه لری پاپالک اوامر و منهیاتنه
 ذره قدر مخالفتده بولنلر ایله ایمانده شبهه ایتدکلری
 آدملری غرضکارانه محاکمه ایدرک حقلرنده مصادره
 و حبس و اعدام و احراق جزالینه حکم ایتکدن
 عبارت ایدی محکومینک مصادره اولنان اموال
 کثیره سی (انکیزیسیون) لر یعنی بو محکمه لر
 اعضالرنک حرص و طمعنی آرتدیغدن دائره وظیفه لری
 توسیع ایله خرسیتیان اولیان تبعه لرنک بیله تفتیش
 وجداننه قالشدی لر قرالار کور دیلرکه بو محکمه لر
 واسطه سیله مذاهب مختلفه ده بولنان تبعه لری
 کنیدی مذهلرینه کنوره بیله جکلری مثلوسا
 دخی نائل اوله جقلرته کثیر محاکم انکیزیسیون ایله
 اعضالری تحت حجاب و صحابه آلدیلر اشته بوسبیه
 میندرکه فرنک مؤرخلری بو محکمه لره « مذهب
 نامنه تشکل ایتیش بولنیقه محکمه لری » دیدیلر
 کله لم بو محکمه لردن اسلام و خرسیتیانلرک
 چکد کلرینه معلومدر که بر عادل دولت کنیدی
 مذهبده اولان تبعه سنک طریق اعتزاله سلوکنی
 نجوز ایترا یسه ده کنیدی مذهبده اولوبده زیر جناح

جای نته صغتمش اولان بعه سنك مذهبنه اصلا مداخله ایلز
ایلر ایسه عا دل اولمز

بوقاعده عدالتی عربلر اسپا نیایه حاکم اولد قلمی ژمانده
اعلان ایتد کلمی اسپانیو لرك خا طر لر ندن چیتقمش
ویا خود مقدا کند یلمی دخی حاکملمی اولان روما
دولتک مذهبنده بولمقد قلمی ایچون (پرسیه کوسبون)
(۱) لرك یعنی کورد کلمی انواع اشکنجه لرك آجیلرینی
اونو تمش او لمیدر لرك محکوملمی حقه آتی الیان
حرکات ظالمانه بی تجویز ایلد یلم

اسپانیا اها لیبی اوتهد نبرو سار اوروپا لیلر کبی
مباحث مذهبه به میال اولیوب پاپا لر نه امر ایدر لسه
بلا تردد قبول ایلد کلمی ندن پاپا لرك تعریفی اوزره روما
کلیسا سنك سو کیلی قوزولری اولد قلمی حالده
وجدانلرینی تفتیش ایتک ایچون مذکور محکمه لرك کشادیله
هم آنلری وهمده خرستیان اولمش واولما مش عر بلر ایله
بهودیلری انواع بلایه دو شورمک مجرد غصب اموال
اهالی مقصد بته مبنی فردینا ندک برپول بقیه دوزاخی
اولد یعنی بته کند ی تاریخلری یازیور (سزار قانتو)
نام مؤرخ پاپا طر فدار ی اولد یخی حالده محاکم
مذکور ه بی « قانلی محکمه لر » دیو یاد ایلد کدن بشقه وظایف

(۱) تفصیلی آئیده ذکر اولانه جقدر

حقیقه لرینک صنایع و تجارت سایه سنده کسب ثروت
 و سامان ایش اولان عربلر ایله یهودیلری بعد المصادره
 اسپانیان دن طرد ایتک نیتنه مینی اولد یغنی
 تاریخ عمومیه بیان ایدر (فرانسواده بارباری)
 که بو محکمه لر اعضا لرینک مشهور لرندن ایدی محکومینک
 مصادره اولنان اموالک ثانی محکمه اعضا لرینه مائد
 اولد یغنه دأر اولان بر نظام قدیمی تصدیق ایله موقع
 اجرایه قویدرمق ایچون اسپانیایه کیدوب (آراغور)
 و (قاسیل) حکمدار لرینه دیدی که «خرستیانیخی قبول
 ایدن عربلری ممالک کردن دفع ایچون انکرسیون محکمه لرینک
 تشکیل و تکثیرینه موافقت و مسارعت ایدک زیرا بو عربلر
 هر قدر خرستیانیخی قبول ایلدیلر ایدسه دهینه نام خرستیان
 اولدیلر مالیرینی مصادره کندیلرینه مجازات جا زدر»
 فردیناندک زوجه سی اولان (ایزابیل) نام قرالیه
 مر حمتی بر قادین اولدیغندن بو تکلیف عجیبه هر نه قدر
 رضا کو ستر مامک ایستد یسه ده تکلیف مزبور ک قبول
 و اجرا سی روما کلیسا سنک منافعه بر خدمت مستحسنه
 اولدقدن بشقه کندو سنجه دخی موجب اجر عظیم
 اولد یغنه دأر پاپاسلرک ابرازا بتدکاری دلائله قارشو
 کله میوب یالکز یکی خرستیان اولمش اولان عربلر یکه

خدارانه معامله اولئامسی توصیه سبله اکتفا ایلدی
 (۱) زو جی فردیناند ایه بو تکلیفده خزینه سی ایچون
 بر منبع ثروت کورد یکنه بناء پادان استحصا ایلدیکی
 رخصت مخصوصه اوز رینه مذکور محکمه لری تشکیل
 و تکثیر ایلدی محاکم مذکوره نك حکم ظالمانه سبله ۱۴۸۱
 سنه میلادی سنه بالکز (سویل) شهرنده ایکی یوز
 سکسان یك اون سکز انسان که جله سی خرسینا نلخی
 قبول ایش عر بلردر احراق بالنار اولندی (طوماس
 رتورکا دا) نام انکیز تور که بو محکمه لک ایو کنک
 رئیس مستقلی ایدی ریاستی زمانه دکین محاکم مذکوره نك
 نظام مخصوصی اولیوب مومی الیه رئیس او لد قدہ
 تنظیم ایلدیکی نظامه استنادا ۱۴۸۱ سنه میلادی
 سندن ۱۴۹۳ سنه سنه دکین کذران ایدن اون سکز
 سنه ظرفنده جانلی اوله رق احراق ایلدیکی آدم لک عددی
 سکز یك سکز بوزه فرار یلرک رسم لیله آثار فانیه لری نك
 احراقنه حکم ایلدیکی مرده لک مقداری التیبیک بشبوزه
 حبس ایلدی و مصادره و طرد جزالینه مستحق ایلدیکی
 انسانلرک یکونی طقسان یکه بالغ اولمشدر
 فرنکر تبعه لری بیو صورتله آتشلرده یا قدقلرینه باقمیوبده
 آتش پرستلرک کند یلرینی رضالریله احراق بالنار
 (۱) دیک اولدی که اول زمانده مشوق مظالم
 اولان پاپا سلاویش

ایلدکلرینه تعجب ایله « نه بار بارلق » دیملرینه انسان
 کولمکدن بشقه نه دییه بیلور
 عربلر کوردیلرکه فریادلرینه حاکملری قولاق آصمبور
 عصیان مجبور اولوب انکیزتورلدن برینی قتل ایلدیلر
 بو قتل ماده سی ایسه ذاتا عربلری آتشدن کباب ایدوبده
 ماللرینه وارث اولمغه ادنی سسیلر آریان انکیزتورله
 اجرای مافی الضمیر ایچون برکوزل وسیله اولدیغندن
 انکیزسیون محکمه ربک آتش مظالمی بر قاندها علولندی
 خرسیتانلخی قبول ایتماش وایتمش اولان عربلر لسانلری
 اوزره تکلم و اصوللری وجهله تلبس منع اولندی
 بومنعویه مخالف حرکته بولنانلرک شدیداً مجازات
 کوره جکلرینک اعلانیله برابر هر اسپانیالینک بو خصوصه
 نظارت و دقت ایلمسی امر اولندی بومناسبتله اسپانیولار
 عربلری ازمکه فرصت بواوب ازدکلرندن عربلرک
 وقوعبولان شکایاته عصیان معنای ویریلرک تکرار
 بتکرار ازللرینی موجب اولدی (والانس) اهالیسی
 بیچاره لره هجوم ایدوب خرسیتانلخی هنوز قبول
 ایتماش اولانلری قتل ایلدی بوانکیزسیون
 محکمه لری پاپاسلرک اوامر و منهیاتنه مخالف حرکت
 بولنانلری تأدیباتک ایچون پاپارک رخصت مخصوصه سیله
 تشکیل اولمش اولدقلری حالد خرسیتانلخی قبول

ابدویده ینه انواع عذاب ایله آتشلرده کباب اولمقدن
 قور تلیسان عربلرک آه و فغاننه ترجا بیچاره لر حقنده اجرا
 او انسان کثرت مظالمک تخفیفنه دار پاپا حکو متدن
 المش اولد قلمری او امره امتثالا تعدیل مظالم ایتملی
 لازم کلور ایکن او امر مذکوره به اولان عدم اطاعتدن
 مسؤل اولد قلمری شایان تعجب دکلدر چونکه بونلر
 پاپارک امریله اجرا سینه باشلامش اولد قلمری بویله
 برجنایتدن طولایی پاپا حکو متدن برشدتلی تکدیر
 ایشندکلمری حالده « شمدی بزی نه به تکدیر ایده بورسک
 بادی مظلم سن دکلیمسک » جوابی ویره جکلمری آشکار
 اولد یغندن تخفیف مظالمه دار بالاده بیان اولان او امر
 پاپا برنمایش کاذب حکمنده ابدی عرب قزلرینک
 زور ایله فرنکلره نکاح اولنمی تجویز اولتوب فرنک قزلرینک
 غربلره رضاسیله عقد اولنمی منع ابد لدی
 (بخرناطه) شهرینک باش پاپاسی عربلر حقنده اولان
 معامله خوزرانه بی تحسین ایلدیکی صروده (القالا)
 شهری دارالقونندن دخی تقدیر صدالری ایشیدلیدیکندن
 معاملات وحشیانه مذکوره بی اسپا نیانک غلاماسی بیله
 تحسین ایتمش دیمک اولور .

اسپا نیاقوالی اولان (شارل کهن) (۱) زمان حیاتنده

(۱) بوقرالک حالی ایلروده ذکر اولنمشدر

ساده هر بلره دکل اسپانیوللره ییله ابتدییکی جوروجفاره
قناعت اینیه رک حین وفاتنده مخدومی فلیپه دیدی که .
« او غل سکا وصینم بودر که صاقن اوله که دینزجه
مبارک اولان (انکیز یسیون) محکمه لری نک اجرای
احکامنه مانع اوله سک » اوغلی بو وصیت پدرا یله عامل
اولوب هر بلره ابتدییکی تکالیف طاقتفرسایی بالاده اسمی
ذکر اولتان (قانتو) نام مؤرخ تاریخ عمومیسنده
چیزی ایچنه الهرق نقل ایلدیکندن بو محله اول وجهله
نقلی مناسب کورلمشدر .

« فرنکلرک مسلمانلره اولان تکالیف ظالمانه سی »
« انکیز یسیون هر بلره حقنده شدتی تزید ایلدی . هر بجه
تکلم ایتمکدن و هر نوع تجارتدن و بز بر لیه اختلاطدن
قرالک امر یله منع اولندیلر . هر بلرک سوکلی
اولاد لری کی بیوندکاری سیاه اسیر لری الارندن آندی .
بر طاقم ایچله لصر فیله ایدنمش اولدقلری البسه قدیمه لری
رک ایله بکیدن کلینلوا ایچله صرفیله (قاستلیا) موده سنده
البسه تدارک واستعمالی امر اولندی . قادیلرک یوزلی
آچیق اوله رق سو قاغه چیقلری و خانه لری نک
قبولی مقدم قپالی اولق عادت ایکن بعد ازین آچیق
قالملری تحت مجبورینه آلسندیغی جهته فسقا نج اولان

برملتہ (۱) بومجبوریت یک زیادہ کران کلدی . قرال
طرفندن اولادلی النوب (قاسیل) شهرندہ تربہ
ایدبلہ جکی حوادی نشر اولندی . طہارت و نظافتہ
ہر بلرک کال میل ورغبیلری اولدیغی اجلدن جامہ کیرمکدن
منع اولندیلر (۲) ایام رسمیلری و بریرہ کلوب اکملری
و شرقی سویلری و چالغی چالمری یساغ اولدی (۳)
ہر بلری ال زیادہ دخیون ایدن شی اجرای آیدنلرینک
منعی ایلہ عورتلرینک تستردن منع اولنمسی تکلیفلی
اولوب بیچارہ لر بواغورده فدای جان ایدنجه یہ دکن
چالشملردر .

۱۵۸۲ سنہ میلادہ سندہ اسپا نیسا طو پرا غندن کلیا
طرد اولنملری قرار کیر اولدیغندن یوز الی بیک مسلمان
کوج ایلہ افریقا قطعہ سنہ جان آتہ بیلدی قصورلی
انواع مظالمہ محو و نابود اولدیلر . اشته سکن یوز سنہ یہ
قریب اسپا نیسادیہ متمکن اولوب اسپانیایی مہمور و آبادان
ابتد کدن بشقہ اول زمانلردہ معارفدن بی بہرہ اولان
فرنکلرہ مدنیت درسی و برمش و مراسم مہممانتوازی بی
اوکسرمش اولان ہر بلرہ فرنکلر بالادہ یسان اولنان

(۱) ملت اسلامیہ (۲) بوممنوعیت آیین اسلامینک
اجراسنی منع ایتک پولتبقہ سنہ منبیدر (۳) بوتکلیفی قانتو
اسپانیا مؤرخلرندن مشہور (ماندوزار) دن نقل ایدر .

مکافا تیری ایدرک محو و نابود ابتد کربنه بزم کبی کندی
مورخ لری دخی اظهار تأسف ایدرک اول قوم جلبک
سایه سنده ایتمش اولدقلری استفاده لری بوجه آتی
تعداد ایدرل .

(عر بلرک کشفیاتندن فرنکرک ایتمش اولدبغی استفاده ل)
فرنکرک (موسون) دیدکلری مواسم در که بحر محیط
هندیده اسن روز کارلک هبوی موسملر بدر . بواسمی
یتلک سایه سنده فرنکر همد سیاحت و تجارتنه آشدیلر .
سیغورطه اصولی هندستان قانونندن المش اولملیدرل
چونکه بواسول (منون) ک قانوننامه سنده محررایدی .
زمان سعادت نصکره عر بلر نشر اتوار دین مبین ایچون
دنیا نك هر طرفه طماعیلوب مقتدر اولدقلری محلا ده
تشکیل حکومات ابتد کلری زمانلرده تجارتی بدرجده ده
ایلرولتمشلا ایدیکه برقاج یوز سنه لشرق ابله غرب یلنده
واسطه تجارت بالکن کندولری اولدیغندن فرنکرلشرق
امته سنی عرب تجارتدن آلورلردی . کشف بلاد
فرنکرلردن اول باشلا یوب طقوزنجی عصرک واسطنده
خلیفه اسلامک امریله (زولا) نام ذاتک بحر خزرك
جهت غریبه سنی کشف و معاینه ایلد کدن صکره سمرقندی
طولا شوب بغداده عودتی ووهاب وابوسه سیدک
چینه اولان سیاحتلری فرنکلری اورالک احوالندن آکا .